



Ai 09/04/2010 él gnü organisé la reuniun generala dla sezium lüsa pur l'ann 2009. La reuniun á metü man cun le salüt dl president Deiacó Helmut, che á prejenté la situaziun de cassa y i movimënc dl 2009. Dopo él gnü prejenté l'ativité dl ann passé y l'ativité che gnará fata dl 2010. Tl proscimo ann gnaral cumpré lüses nöies y cíalzá nüs, deache al é suzedü plü gonot che mituns urô met man da jí cun la lüsa mo ai ne â nia i der cíalzá. Les lüses nöies gnará cumprades pur fa i cursc dla lüsa indo. Pur le 2010 saral indo La Val che pudará to pert al Ladiniacup (sciöche vigni ann él en paîsc che mess sté fora). En ater punt é sté le bal da carnescé y la gara dla lüsa dles Uniuns.

En ater ann gnaral punsé da fa na combinaziun tra la gara dla lüsa y chera di schi, pur purté insciö plü jent a tó pert. Ala fin él gnü premié i mius atleç dla lüsa dl 2009 cun en bel cheder. Le ultimo punt é sté "desvalies" ulache üna dles cosses plü importantes magari é stada chera che, tl 2010 saral düc i atleç che ó jí a fa les gares, mess fa la vijitá medica dal dutur. Tl proscim ann ciafará ince la sezium lüsa en local pur vei, ulache ai pó deposité les lüses y les atrezatüres dales schleifen. Ciaran zrucl al ann 2009 pon sanzater dí che pur la sezium lüsa él sté en bun ann, cun de bugn resultač y sodiscfaziuns.



